



Ffigurau ynghylch camymddwyn rhywiol

20 Ebrill 2021

Cais am wybodaeth.

Diolch am eich cais, a ddaeth i law ar 13 Mawrth, pan wnaethoch ofyn:

*Gofynnaf am y wybodaeth a ganlyn o dan Ddeddf Rhyddid Gwybodaeth 2000:
Cyfrif a datgeliad llawn o'r canlynol, gydag enwau'r holl ddioddefwyr wedi'u cuddio:*

- A) Pob cwyn o dreisio statudol.*
- B) Pob cwyn ynghylch datgelu cyfeiriadedd rhywiol neu rywedd, neu ynghylch achosion o ymddwyn yn groes i adran 22 o Ddeddf Cydnabod Rhywedd 2004.*
- C) Pob cwyn arall o gamymddwyn rhywiol.*
- D) Pob cwyn o ymosodiad rhywiol.*
- E) Pob cwyn o gyswllt corfforol digroeso.*

Mae ein hymateb i'ch cais mewn perthynas â thymor y Bumed Senedd wedi'i nodi isod:

- a) Pob cwyn o dreisio statudol.*

Nid oes gennym unrhyw wybodaeth ar gofnod sy'n berthnasol i'ch cais.

- b) Pob cwyn ynghylch datgelu cyfeiriadedd rhywiol neu rywedd, neu ynghylch achosion o ymddwyn yn groes i adran 22 o Ddeddf Cydnabod Rhywedd 2004..*

Nid oes gennym unrhyw wybodaeth ar gofnod sy'n berthnasol i'ch cais.

- c) Pob cwyn arall o gamymddwyn rhywiol.*

Senedd Cymru
Bae Caerdydd
Caerdydd, CF99 1SN

Welsh Parliament
Cardiff Bay
Cardiff, CF99 1SN

Ffôn/Tel: 0300 200 6224

E-bost/Email: Ceisiadau-gwybodaeth@senedd.cymru
Information-request@senedd.wales

Nid oes gennym unrhyw wybodaeth ar gofnod sy'n berthnasol i'ch cais.

d) Pob cwyn o ymosodiad rhywiol.

Nid oes gennym unrhyw wybodaeth ar gofnod sy'n berthnasol i'ch cais.

e) Pob cwyn o gyswllt corfforol digroeso.

Llai na 5 o gwynion.

Nid ydym yn gallu darparu ffigur penodol mewn ymateb i gwestiwn e). Yn lle hynny, rydym wedi darparu ffigur wedi'i anonymeiddio, oherwydd mae'n bosibl y gallai rhoi'r union ffigur alluogi rhai unigolion i gael eu hadnabod, gan ddatgelu data personol. Mae hyn, felly, yn ddarostyngedig i'r eithriad 'gwybodaeth bersonol' o dan adran 40 o Ddeddf Rhyddid Gwybodaeth 2000 (FOIA). Mae'r eithriad hwn yn berthnasol lle bo'r wybodaeth y gofynnir amdani yn cyfrif fel data personol, gan olygu y byddai datgelu'r data hyn yn mynd yn groes i unrhyw un o'r egwyddorion diogelu data a amlinellir yn Rheoliad Cyffredinol y DU ar Ddiogelu Data (UK GDPR). Mae eglurhad ychwanegol o'r rhesymeg y tu ôl i'r penderfyniad hwn ar gael yn yr **atodiad** i'r llythyr.

Yn gywir

Rheolwr Rhyddid Gwybodaeth
Senedd Cymru

Mae'ch cais wedi'i ystyried yn unol â'r egwyddorion a nodir yn y **Cod Ymarfer ar Ganiatáu i'r Cyhoedd Weld Gwybodaeth**. Mae croeso ichi gysylltu â mi os oes gennych unrhyw gwestiynau am yr ymateb hwn. Os ydych yn teimlo bod gennych achos i gwyno, gofynnir ichi ddilyn y canllawiau isod.

A oes gennych achos i bryderu neu i gwyno ynghylch yr ymateb a gawsoch i'ch cais?

Os ydych yn anfodlon ar sut y mae Senedd Cymru wedi ymdrin â'ch cais, gallwch ofyn am adolygiad mewnol o fewn 40 diwrnod gwaith i ddyddiad yr ymateb hwn. Dylid cyfeirio ceisiadau am adolygiad mewnol at y Rheolwr Rhyddid Gwybodaeth drwy ddefnyddio'r cyfeiriad e-bost a ganlyn:

ceisiadau-gwybodaeth@senedd.cymru neu'n ysgrifenedig i:

Senedd Cymru
Llywodraeth a Sicrwydd
Bae Caerdydd
Caerdydd
CF99 1SN

Os nad ydych yn fodlon ar ganlyniad yr adolygiad mewnol, mae'r hawl gennych i wneud cais uniongyrchol i'r Comisiynydd Gwybodaeth am benderfyniad. Gellir cysylltu â Swyddfa'r Comisiynydd Gwybodaeth drwy ddefnyddio'r cyfeiriad a ganlyn:

Swyddfa'r Comisiynydd Gwybodaeth
Wycliffe House
Water Lane
Wilmslow
Cheshire
SK9 5AF

Atodiad

Adran 40 y Ddeddf Rhyddid Gwybodaeth: byddai datgelu data personol yn torri'r Rheoliad Cyffredinol ar Ddiogelu Data

Mae'r diffiniad o ddata personol wedi'i nodi yn Erthygl 4 o GDPR y DU, sef:

"any information relating to an identified or identifiable person ('data subject'); an identifiable natural person is one who can be identified, directly or indirectly, in particular by reference to an identifier such as a name, an identification number, location data, an online identifier or to one or more factors specific to the physical, physiological, genetic, mental, economic, cultural or social identity of that natural person".

Mae gwybodaeth personol wedi'i heithrio o'r gyfundrefn ddatgelu o dan adran 40(2) a 40(3A)(a) o Ddeddf Rhyddid Gwybodaeth 2000 mewn achosion lle byddai ei datgelu yn mynd yn groes i o leiaf un o'r egwyddorion diogelu data yn GDPR y DU. Yr egwyddor sy'n berthnasol ar yr achlysur hwn yw'r egwyddor gyntaf o ran diogelu data.

Mae'r egwyddor diogelu data gyntaf fel y'i nodir yn Erthygl 5 o GDPR y DU yn nodi:

"Personal data shall be processed lawfully, fairly and in a transparent manner in relation to the data subject ('lawfulness, fairness and transparency')".

Wrth asesu a fyddai datgelu'r wybodaeth hon yn deg, rydym wedi ystyried canlyniadau gwneud hynny, disgwyliadau rhesymol yr unigolion o dan sylw a'r cydbwysedd sy'n rhaid ei daro rhwng eu hawliau ac unrhyw ddiddordeb dilys wrth ddatgelu'r wybodaeth. Ein casgliad yw y byddai'n annheg datgelu'r wybodaeth hon. Mae'r wybodaeth sydd wedi'i chadw yn ôl yn sensitif a phreifat ei natur, ac nid oes disgwyliad i'r wybodaeth hon fod ar gael yn gyhoeddus. Gallai datgelu union nifer y cwynion o gyswllt corfforol digroeso, pan fo'r nifer honno'n fechan, arwain at yr unigolion cysylltiedig yn cael eu hadnabod yn anfwriadol. Nid oes disgwyliad y byddai'r union ffigur yn cael ei gyhoeddi, yn enwedig lle gallai hynny arwain at yr unigolion cysylltiedig yn cael eu hadnabod.

Serch ein barn ynghylch sicrhau tegwch, aethom ymlaen i ystyried Erthygl 6 o GDPR y DU. Nid yw unrhyw un o'r amodau yn Erthygl 6 yn berthnasol, heblaw Erthygl 6(1)(f), sy'n caniatáu i wybodaeth personol gael ei phrosesu ar yr amod a ganlyn:

"Processing is necessary for the purposes of legitimate interests pursued by the controller or by the third party, except where such interests are overridden by the interests or

fundamental rights and freedoms of the data subject which require protection of personal data, in particular where the data subject is a child."

Mae'r amod hwn yn cynnwys prawf mewn tair rhan:

- rhaid bod datgelu'r wybodaeth o fudd cyhoeddus dilys;
- rhaid i'r datgeliad fod yn angenrheidiol i sicrhau budd y cyhoedd; ac
- ni ddylai'r datgeliad anwybyddu buddiannau, hawliau sylfaenol na rhyddid testun y data.

Rydym yn cydnabod bod diddordeb cyhoeddus dilys mewn tryloywder yn gyffredinol ac mewn gwybod bod polisi yn ei le i ddiogelu unigolion sydd am wneud cwyn o gamymddwyn/ymosodiadau rhywiol. Rydym hefyd yn cydnabod diddordeb dilys y cyhoedd mewn gwybod nifer y cwynion o'r math hwn sydd wedi'u gwneud o fewn unrhyw sefydliad. Fodd bynnag, rydym o'r farn bod y diddordeb hwn wedi'i fodloni drwy ddatgelu gwybodaeth o fewn ystod wedi'i anonymeiddio. Nid ydym o'r farn ei bod yn angenrheidiol rhyddhau'r union ffigur, oherwydd nid yw diddordeb dilys y cyhoedd mewn datgelu'r wybodaeth hon yn gorbwyso diddordebau, hawliau sylfaenol a rhyddid gwrthrychau'r data.

Yn yr amgylchiadau, nid yw datgelu'r wybodaeth sydd wedi'i chadw yn ôl yn angenrheidiol i fodloni diddordeb y cyhoedd.